

Сирот кўприги жаннатий ва дўзахийга ажратиш учун хизмат қилади | Ақийда дарслари (238-дарс)



19:00 / 31.07.2023 2398

Мўмин-мусулмон киши қиёмат куни жаҳаннам устига «сирот» деб аталган кўприк қурилган бўлишига, ундан барча одамларни ўтишга амр қилинишига, кимдир ундан ўтиб, нажот топишига, кимдир ўта олмай, жаҳаннамга қулашига жазм ила иймон келтириши керак. Бу ҳақда ҳам етарли далиллар келган.

Аллоҳ таоло Ёсин сурасида:

فَأَنزَلَ الْصِّرَاطَ فَاسْتَبَقُوا أَعْيُنِهِمْ عَلَى لَطْمَسِنَا نَشَاءُ وَلَوْ

«Агар хоҳласак, кўзларини теп-текис қилиб қўюрмиз. Бас, улар йўлга шошилурлар. Аммо қандай ҳам кўрсинлар?!» деган (66-оят).

Сирот ва ундан ўтиш ҳақида кўплаб ҳадиси шарифлар келган. Улардан баъзи бир намуналар билан танишамиз.

هُلِّلَا يَضَرَّ رِيَّهَ يَبَّأَنَّع
هُلِّلَا لُؤْسَرَلَّاقَ : لَاقُ هُنَّع
: مَلَّسَوَّ هَيْلَعُ هَلِّلَا يَلَّص
نَّيَّ بَطَّارَّصَلَا بَرَّضُيَّوَّ
أَنَا نُوكَأَفَ ، مِّنَّهَجُ يَرْهَظ
أَلَّو ، أَهْزِيَّجُيَّ نَمَلَّوَأَ يَتَّمَّأَو
، لُسُّرَلَا أَلَّيَّ مَّوَيَّ مَلَّكَتَيَّ
مَّهَلِّلَا : ذِيَّ مَّوَيَّ لُسُّرَلَا يَوَّعَدَو
بِنَاخِيَّ شَلَّأَ هَاوَرَّ . «مَلَّسَ مَلَّسَ»

Абу Ҳурайра розияллоҳу анҳудан ривоят қилинади:

«Расулуллоҳ соллаллоҳу алайҳи васаллам:

«Сўнгра жаҳаннам устига кўприк қурилур. Расуллардан ўз уммати ила унинг устидан биринчи ўтган мен бўламан. Ўша кунда расуллардан ўзга ҳеч ким гапирмас. У кунда расулларнинг каломи «Эй Аллоҳим! Саломат қил! Саломат қил!» бўлур», дедилар».

Икки шайх ривоят қилганлар.

Сирот дўзах устига қурилган кўприк бўлиб, маҳшарда туриш тамом бўлганидан кейин одамларга ўша кўприкдан ўтиш амр қилинади. Бу ҳам қиёмат кунининг энг оғир паллаларидан бири бўлади. У пайтда пайғамбарлар ҳам «Эй Аллоҳим! Саломат қил! Саломат қил!»дан бошқани айта олмайди.

Бошқа бир ҳадиси шарифда:

«Бас, мўминлар худди кўз юмиб-очгунча, чақмоқдек, шамолдек, қушдек, чопқир отлардек ва туялардек ўтиб кетурлар. Бас, нажот топувчи мусулмон тирналган ва жаҳаннам оловига қулаган бўлур», деган иборалар келади.

Демак, сирот одамларни жаннатий ва дўзахийга ажратиш учун хизмат қилади. Ундан ўтиб кетганлар жаннатга тушади. Ўта олмай йиқилганлар жаҳаннамга қулайди.

Бундан одамлар бу дунёдаги иймонлари ва ибодатлари ҳамда солиҳ амаллари кучига қараб сиротдан турли тезликда ўтишлари билиб олинади. Шу билан бирга, жаҳаннамга йиқиладиганлар ҳам бор.

عَبُّشٍ نَبِيٍّ عُرِيَ مَلَايَةَ
لَأَقِي لَأَقِي هُنَّ هَلْ لَأِيضَر
هَلْ لَأِيضَر هَلْ لَأِيضَر
نَمُومَلَا رَاعِشٍ «مَلَسَ وَهِيَ لَع
مَلَسَ بَرِّ طَارَّصَلَايَةَ
»مَلَسَ.

Муғийра ибн Шўъба розияллоҳу анҳудан ривоят қилинади:

«Расулуллоҳ соллаллоҳу алайҳи васаллам:

«Мўминнинг сирот устидаги шиори «Роббим! Саломат қил! Саломат қил!»дир», дедилар».

Аллоҳ таоло қиёматда ушбу шиорни айтиб, сиротдан энг катта тезликда ўтиб кетишимизни муяссар қилсин.

«Сунний ақийдалар» китоби асосида тайёрланди

Ушбу китоб Ўзбекистон Республикаси Вазирлар Маҳкамаси ҳузуридаги Дин ишлари бўйича қўмитанинг 2022 йил 22 июлдаги 03-07/5979-рақамли хулосаси асосида чоп этилган.